


Барча хьуннав Зума ритаврил байрам!



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 94-сса шин.

«ЗАРЯ»

Нюжмар

23 июнь

2017 ш.

№ 27

gazetazary@mail.ru

Сайт: zaria-online.ru

Барча бавуртту

Багъайминнан байрамрал закату (ссах), мискинминнан садакьарттугу булуну, марцисса, ххуйсса яннагу лархун, мизитраву байрамрал чакгу бовну, инсантал ххарину, тяхьану шанма гьантлий кувначан -кув бухлай, хьамалу хьанай, цаннийва хьамал кьамул буллай, такбир ккалай биклай.

Му ххаришиву зул оьрмулу му мудан личаннав, Рамазан зурул марцI шиву ва хьиншиву зула дьанив мудан дурчлай битаннав!

Ю.Махаммадов, «Лакрал район» МР-данул бакIчи.

Бисмиллагъи рахIмани рахIм!

ХIурмат бусса уссурвал ва ссурвал! Райондалул имам Шайхмурат - хIажи ХIажимуратовдул, шяраваллавусса имамтурал, циняв мусулмантурал ва ттула чулуха барча буллай ура зу барачатсса Зума ритаврил байрамрашал (Эд-ул-фитр, Ураза байрам).

Аллагьнал кьамул даннав жура КIанал цIаний дургьусса зумарду, дурсса дуьарду, бовсса хьинбаларду. Миннхусса чири, Рамазан зуруй чIявугу бовну, Аллагьнал жунма ликкан баннав!

Ва барачатсса зуруй зумагу дугьлай, АллагьначIан гьан хьун хIарачат буллай, КIанал ликкан бовсса Калам лахьхьин ччай, хьинбаларду, кумагру, аякьарду дуллай жуятува лиххан бан бовхьусса бунагьру жучIанма занна кьабикIаннав!

Циняв мусулмантуран чIатIий ура марцIсса, дакIнихтунусса иман, ва дунияллийгу, ахиратравугу хIакьсса талихI!

**ХIурматрацал - Гьумучиял имам
Махаммад - Маннар Бариев.**



Барча буллай ура райондалул агъали Рамадан барз кьуртал хьусса Зума ритаврил байрамрашал (Эд-ул-Фитр)!

Ва хьанай дур мусулмантурал хьунисса кIира байрамравасса ца. Ва кьини имандалий яхьанахьими, шаллусса зурул мутталай цала иман цIакь дуллай, Аллагь цала бунагьирттал ялтту учIанмур буллай, асарду бас буллайгу бивкIун, зума итадаркьуну кувнашал-кув хьунабакълай, байрандалушал барча буллай, Рамадан барз тIайлабуклан бикIай.

ДакIру чанна лахъан

дуллалисса гьайкаллу - Гьумук!

Июльданул 14-ний райондалул администрациялий, Лакрал райондалул бакIчи Юсуп Махаммадовдул каялушиврий хьуна МухIаммад идавсил цIаницIун дархIусса хьхьичIарасса гьайкаллу хьунадакьин хIадур шаврицIун дархIусса багIаву. Муний ххалбивгьуна РД-лул БакIчинал кумагчи, РД-лийсса АТК-лул аппаратрал Зунттал округрал вакил С.Саиповлуя бовкIсса чагьарданин бовну, кIицIларгесса хIурмат лавайсса гьайкаллу, ми ларсун бовкIсса делегациягу хьунабакьин хIадур шаврил масъаларду.

Райондалул бакIчинал оьвкуну циняв кьулугьирттай озиминнай, укунсса иш жула райондалул таварихраву тачIав кьавхьусса иш бухьукун, муних ляличIисса кьулагьас дан ва му шадлугьрал иширттаву чялишну гьуртту хьун.

Идавсил цIаницIун ва ганал мачча-гьанминнал, дустурал, гьалмагьтурал цIардацIун дархIусса гьайкаллу ларсун хIурмат бусса хьамал райондалиин бивуна нюжмар кьини июньдалул 16-ний ахттая махь.

ЖучIанма бучIаннин, вай гьайкаллу ларсун Дагьусттаннай лавгун бивкIун бур анжагь Хунзахуллал, Агьуллал, ЧIарадиял, Нугьайнал, Хасавюртуллал ва Буйнакскаллал районнай. Утти, Дагьусттаннал муфтийнал тIайла бовккун бур, хьунмасса, 200 инсан усса делегациялушал 50 автомобильданий Лакрал райондалиингу. Шиккува кIицIлаган, вай гьайкаллу уттигу дирну дакьар муфтийнал цала райондалиин (Гум-

мансса мусулмантал лавгессия гай ккаккан. Дагьусттаннал халкьуннал гай хIурматрай, хIайранну, ччаву дуну хьунадаркьсса куц ххал хьуну, шайх Хазраджинал гайннуясса ца-кIира гьайкал жучIарагу кьадитан ларсун увкIессия. Утти ми ххал дан бовхьунни жула райондалиинминашагау.

Гьайкалласалсса хьамал Гьумукун биянин, Хьун мизитрал вивалугу, кьатIалугу марцI бовну, чIюлу бовну, мизитрачIату паччахI ххуллучIан-Идавсил ва ганал лагма-ялтту бивкIминнал гьайкаллу Дагьусттаннай ларсун кIира шинал хьхьичI увкIессия ганал тухумраясса шайх Хазраджи цала гьалмагьтурашал. Ми Дагьусттаннал халкьуннан ккаккан дирхьуну дуссия Каспийскалийн бивайсса кIанай футболлай буккай стадиондалучIа бовсса спортзалдануву, шала республикалия циняр районнайсса ва шагьрурдайсса мусулмантал гай ккаккан лаглай. Жула райондалиягу та-

ска кIичIираваллил тия-шнясса чIирттайнгу, щявгу бартбисуртту бивчун, миннул зумардацIух чиллу-чухьри лархесса, кьутта кьяправусса мусулманталгу, тамашачиталгу бавцIуну бия. Ми бартбисурттайх, инсантурал дьанивух гьайкаллу кIи-кIиннал, шамуннал, цаннал дургьуну, кьимат бишун кьашайсса хьус кунна, мизитраву миннун хIадур бовсса кIанттурдайн ххилан бивкIуна.

ЧIарусса гьайкаллу ххилай тамансса хIал шайхту, гай мизитраву цила-цила кIанай диншиннин, кьатIув шадлугьрал мажлису тIивтIуну, гьайкаллаягу бовсуну, телевидениелувух исламрал передачарду дачин

дайсса корреспондентнал ихтилат бан махь буллуна райондалул бакIчи Юсуп Махаммадовлухьхьун. МухIаммад идавсил (с.а.в.с.) ва ганал чIарав бавцIун бивкIсса цалчинсса мусулмантурал цIардацIун дархIусса гьайкаллу Гьази-Гьумук ваниял 1200-ли хьайсса шиннардил хьхьичI бовсса мизитравун дирсса хьуннасса ххаришивугу кIицIларгуну, мунал бовсуна, гай жула райондалиин тIайладуккан увкIун ивкIшиву цала администрациялий зузминнашал Дагьусттан Республикалул БакIчи **Рамазан АбдуллатIипов**. Мукумма бовсуна, гьайкаллу жучIанна дьан (Бурги 3 лаж.)



Паспорт - Президентнал каруннава

Аьрасатнал кьини, июндадул 12-ний, жула билаятрал Президент Владимир Путинул тапшур бунни Аьрасатнал Федерациялул гражданинал паспорт Гьумучиял школалий арулва класс кьуртал бувсса Аида Садикован.

Ва иш хьунни РФ-лул Президент гьуртту хьанахьисса чIумал «Жу - Аьрасатнал гражданинал!» тIисса шалагу Аьрасатнал акциялуву.

ПаччахIлугьрал хьунманал му акциялий шадлугьрал тагьарданий паспортру тапшур бунна дуклакини ссаву бунугу хьхьичIун ливчусса ягу ляличIисса иширттаву цала цивппа ххуй чулуха чIалачIи бувсса чIавасса ацIа инсанан.

Укунсса акция Кремльдану бувсса цалчинни. Мунний гьуртту хьунни Дагьусттаннаясса, Гьумук яхьанахьисса, Гьумучиял школалий дуклакисса душ Аидагу.

Цуппа чIавасса бунугу, жунма кIулли, Аида Садиковал дурсса чувшиву. Ванил цила гьалмагьчув душницаал архIал ххассал увссия Гьухьаллал бянивун оькьлакьисса чIивисса оьрчI.

ТIайлабацIу баннав Аидан гихунмайсса оьрмулувугу!

К.КЪУРЬАНОВ.



Математикалул дарс детсадраву

Июндадул 15-ний «Баргъ» детсадравусса «Цуку» тIисса группалуву дирхьунни математикалул тIиртIусса дарс. Му дишаврил мурад бия - дуккавил шинал ларьсеса кIулишивуртту цIакь даву ва детсадрава итабакьлакьини школалий дуклан хIадур баврил даражалун кьимат бишаву.

Му дарсирай жула оьрчIал чIалачIи дурни хьинну ххуйсса кIулишивуртту: миннал пикри буллалаву, кьулагьас даву, хIисав ласаву, творчестволул журалул аькьлу итхьяххаву. ОьрчIал бигьану личIи дуллау бур затру, аьмну пикри бангу кIулу бур. Вайннан лавхьхуну бур шьабивкIун кIулишивуртту ласлан, вичIидишин, коллективраву зун, кувнан кувнал кумаг буллан, вайннаву тарбия буну бур математикалухьсса гьира.

Дарс дирхьуна тарбиячи Светлана МихитIаевал хьинну дагьан дурну, хьунмасса хIарачатрай. Дарсирайн бивкIминнал му дишаврил даражалун хьинну ххуйсса кьимат бивщунни.

Детсадрал заведующий З.Макьсудовал чIаукуна цала выпускниктуран школалийгу мукунма хьхьичIунну дуклан, цIуллушиву, дакьаву ва хьиншиву.

З.МАКЬСУДОВА, «Баргъ» детсадрал заведующий.



БатIаву

Райондалул бакIчинал рисалалува

Июнь зурул 14-ний «Лакрал район» МР-данул АТК-лул председатель (Антитеррористический комиссия), райондалул бакIчи Юсуп МахIаммадовлул хьунни АТК-лул члентал, Лакрал кIирагу райондалул прокурор, МВД-лул «Лакский» отделданул начальник, райондалул имам, идарартгал, организациярдал каялувчитал ва зузалт гьуртту хьанахьисса батIаву.



Микку ххалбигьлай бия Дагьусттан Республикалул БакIчинал кумагчи, РД-лул АТК-лул Зунттал территориялул округрайсса вакил С.М.-Х.Сайповлул гьан бувсса чагьар.

Чагьарданул хьунмур мяьна - НВФ-лул (неформальные вооруженные формирования) члентуран кумаг бавривух гьуртту хьусса, Лакрал районалия бувксса агьалинайсса райондалул бакIчинал оьвчаву ххалдигьаву, хьинчулий ккаккаву.

Му масьалалин буну ихтилат бувсса Юсуп МахIаммадовлул кIицI дунни АТК-лул давриву дуллалимур ва диялдакьашивуртту, дакIнин бивчунни террорданин кьаршину республикалий дуллалисса давурттая, кьулагьас ххидансса масьаларттая, бьакьу ххуллих лавгун бивкIминнащал дачин дан аьркинсса давурттая ва м.ц.

Хьирив бавтIцири кIул бунни Лакрал районалия бувксса, НВФ-лул члентуран кумаг буллау бивкIминнан цала чулуха дуллалисса рисалалушал.

Мунил мяьна укунсса дур:

Аьрасатнавугу, Дагь-

ЦЗН

ТIивтIунни паччахIлугьрал ва муниципалитетиртгал кумагиртгал портал ишла дуллалиминнаха кьуллугь байсса Центр

Дагьусттан Республикалул ХIукуматрал Председатель А.М.ХIамидовлул хIукуматрал заседанилий 2017 шинал майрал 23-ний тапшур буну (№01/10-07-31/17), мукунма Аьрасатнал Федерациялул Президент В.В.Путиннул 2012 шинал майрал 7-ний итабакьавсса №601

устаннайгу кьадагьа дирхьусса, Конституциярадин ва Законнайн кьаршисса ярагьуннищалсса кьуокьравун, личIи -личIисса, хьирив кьалавсса саварттайн буну багьну бивкIми, НВФ-рдавуминнан кумаг буллау бивкIминнал дуллалимур оьхIалсса диркIссар цивпацивппа халкьуннал чулухуннай дакьассагу, шалагу хIукуматрайн. Ми кьуокьри кьачагьшиврин кIура баллалисса цачIуншавурттури. Мукунминнал жагьи-жугьултнайн, ялун нанисса никирайн биян буллалиссар хьинну оьккисса шавци. Ттун, Лакрал райондалул бакIчи хIисаврай, хьинну

кьурчIину бур жула районалия бивкмигу шьалмахьсса, хIукуматрайн оьхIалсса кьуокьравун багьаву.

Мукунми, инсаншиву духларгьсса, чапхунчитурал кьалпссса пикрирадин вих хьуну, кIу-

ра бавунни ахир оьнин дуккан миннайн!

Аьрасатнайн, Дагьусттаннайн кьаршину, бьайкьусса пикрирадин вих хьуну бивкIминнайн лаизлай ура тIайламур бивчIин.

Вихну ура, зуша уттигу юхьантIишиврий зула нину-ппу, уссур-ссу, шьаравуми ххари буллау зана -кьулу хьанан, зуша уттигу мюнпат биян бан бьухьантIиссар шала Дагьусттаннан, жула Ватандалун, жула Ватандалун лайкьсса гражданинал хьун.

Зул гихуннайсса давурттай каялушиву дулланнав аькьлу-кIулишилул, жула ппухьлуннал куннасса яхI-кьирятрал!



Центр обслуживания пользователей портала государственных и муниципальных услуг (ЦО).

Агьали давурттал шаллу байсса центрданул дуллалиссар:

-райондалул агьалинан паччахIлугьрал электронный кумагру кIул баврил ва ми булла-лаврил;

-паччахIлугьрал ва муниципалитетиртгал кумагиртгал Порталданий ЦЗН-далиин кумаг тIалав буллау аьзри чивчусса цинянал регистрация даврил давуртту.

...гъайкаллу - Гъумук!

(Дайдихъу 1 лаж.)

дан бувкIун бушиву заккантгай буккавил, лачIун буккавил, биявил дуняллул ва Олимпиадарттал чемпионтал **Ширвани Мурадов**, **Авдурашид Саьдуллаев**, **ХIайдарбаг ХIайдарбагов**, **ХIажимурад МахIаммадов**, **ПаччахIлугьрал бан-**

ругу лавхъун. Циняннул цIарду къаучирчагу, шикку, хIурматрай пахъ багъну, кув итгавсса макъгу лихълай, дуаьрдугу дуллай, яруннах ххал дуллай бия къаучивияв, дакIнивун итадакьлай бия идавсил оьрмулия ккалай жунмагу кIул хъусса: **Ибрагъимлул макъамрал (Каьба булла-**



кирал хъунману зий ивкIсса **Сиражуттин Ильясов**, цIадурксса лакрал къуллугъчитал ва бизнесментал ва м.ц.

Ца-ца тIий, вай циняннал райондалул халкъ барча бувна ва ххарисса къинилушал, райондалул ялун дирсса шадлугърашал, бувсуна, цивпагу жушала архIал кIидачIлай бушиву циняннал ххаришиву, вихшала дирхъуна, Идавсил гъайкаллу дучIаврицIун бавхIуну, райондалийн барачат бияншиврийн, жула маэшат лавай хъуншиврийн.


Мизитрал къатIувсса митинг къуртал шайхту, инсантал итабакълан бивкIуна гъайкалла-чIан мизитравун. Миккугу, хъамаллуран хIурмат буллай, му цалчинсса къини тавакъю був-



лини га авцIун ивкIсса кIану) къункула ва кIулли; Каьбалул чIирал чарил касак; Каьбалул гъанулул (Шазарван) чарил касак (вай бия лап личIисса: гъа-



ца шинал цIусса дутайссар); **ХIижра буллалани МухIаммад идавсил (с.ав.вс.)** накл хIачIлай ивкIсса кIичIу; Идавсил чIиртаравасса чIарарду, бакIраяс-



нинал (къ.с.) ялун руту, **имам Шамиллул ттугъ**, **Каьбалул нузру ва м.ц. гъайкаллу.**

Шиккува учин, гай 1300-1400 шинал хъхъичIра дурну диркIсса ичIаллил къай, тIах-

бувцусса **Ххаджилашлул** иширтгай къундалул авлахъирттайх Сириянавун, Иорданиянавун (**Шамлив**) варианттал чарваннашал гъайсса ивкIшиву, яни, га заманнайра цайми билятиртташалсса машлул дахIавуртту диркIшиву. Мунин бувну, кIицIаргсса затру бюхъай машан ларсун, даххана дурну **Маккалив**, **Мадиалив** дирсса дикIангу. **Мадина** цуппагу машлул шагъру бивкIссар га заманнайва.

Арамтал ва хъами личIи личIину бухлай мизитравун, шанма гъантлул мутталий вай гъайкаллу, вай эмаратру ххал дуллай, **Гъумуква** гъантта бикIлай, цавай лаглай, цайми букIлай, кув шиккува бавцIуну, гъарца къини занай, бивкIунни. **ХIатта** бия **Ингушнавагу**, **Чачаннавагу** бувкIссагума... Ми гъантрай гъайкаллу ххал дан ччай, тивун буххан къабювхъуну ливчIссагума кIулли ттун инсантал. **Укун** ккаккан инсан-

(Ахир 4 лаж.)



на хъхъичI итабакълан цайми районная бувкIми.

МухIаммад идавсил (с.ав.вс.), ганал душ **ПатIимал**, яла ххирамур шарсса -кулпат **Айшал**, мунил ппу **Абу Бакардул**, **Ибрагъим идавсил (ав.с.)** ва м.ц. цIардацIун дархIусса чIярусса гъайкаллу мизитраву дирхъун дия лахъисса столданий, гъарцаннул ялув яргсса чирахъ-

нулулмур - щолли бивцусса къанкъа чару, нувчIлуха лавхъхъусса; чIиралмур - цIанну оьрусса, ккутIа-ккутIарисса); **Зам** -зам шарашул чIаравсса чарил касак; **Каьбалул** вив диркIсса, накъчирттал дурщусса бушкъапру; **Каьбалул** цIушив; **Каьбалул** ялтту дуртун диркIсса янналул (кисей) касакру (кIулсса куцуй, му янна гъар-

са чIара; Идавсил душ **ПатIимал** шардасса канил гъарахъалттул нигъ; **Макка** лавсёсса -мютIий бувсса чIумал гиккусса тухумирттал инсантураша зерххусса турду; **Абу Бакардул** (Идавсил яла хъхъичIунма дус, кулпат **Айшал** ппу) ххаржан; **Халид ибн Валидул** (цIадурксса талатала) муххал гъухъахIурни; Идавсил равзалувасса (увччусса къатта) янна, **бартбису**, майлул чирахъру бихъурду лампарду; **Билал** -асхIабнал (**Каьбалингу** лавхъун, хъхъичIа-хъхъичI азан дурккума) щин рутIу; **Айшал** ва **ПатIимал** щин рутIулт; **Каьбалул** чIирал мурцIний бивхъусса ссаврунная багъсса чарил



(**ХIаджарул Асвад**) касак; Идавсил гъатгаясса аьрши (га увччун уссар **Мадиалив** цува яхъанай ивкIсса къатлуву. Му къатлува уккайсса ивкIссар тIайлана мизитравун)... **Мукунна** дия **Авдулкъадир Гила-**

Ини-кIичIурду, яннарду, **бартбису** бия муксса устарну бувну, цIанасса **Кубачиял** дурмуни-ял, лазгиял **бартбисурттаял**, цIадурксса яннардаял магъирну. **Духъунессия** цала дайссагу, **амма**, **жунма** кIулли, идавс цала

Учредитель:
Администрация
МР «Лакский
район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции
368360
Республика Дагестан
Лакский район
с. Кумух
Ул. Сурхайханова, 96

Газета набрана
и сверстана на компью-
терной базе редакции
газеты «Заря» и
отпечатана
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 807 экз.
Цена свободная.

Газета зарегистриро-
вана Региональным
управлением регист-
рации и контроля за
соблюдением законо-
дательства РФ о СМИ
и печати в РД Гос-
комитета РФ по пе-
чати.

Регистрационный ПИ
№ 104561.

Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

Лайлат - ул - Къадри

Барачатсса Къудратрал хъхъу

Къурандалул 44-мур суралул 2-6 аятирттай тий бур (мяъна): «...На му (Къуран) ликкан бав барачатсса хъхъуну; мийжанну-гу, На мудан дюь дихълай усси-яв! Ва хъхъуну личи дайссар гъарзат аькъилмур Тгул амрулин бувну; вил Залнал цими бивхъуну, Нара идавстал гъан байма, -Къарихха (Нарахха) - гъарзат байма, гъарзат кIул-ма!»

«Барачатсса хъхъу» - Аллагнал Калам ликлай байбихъусса хъхъури. Къуран шала цакуну къаливксар. Му хъхъуну ликлай байбихъуну, гихунмай чан-чанну ликлай бивкIессар. «Барачатсса хъхъуну» ккалли дайссар Рамадан зурул 23, 25 ягу 27-мур хъхъу. Му хъхъунийн ялагу учай «Къудратрал хъхъу», - куну. Амма, му хъхъу цумур диркIсарив кIицIлавгун, аьям бувну бакъассар.

Аллагъ мудан дюь дихълай уссар инсантурай, жува пикри, ургил бакъасса, къайгъу къабайсса, къухънасса, бан багъаймур, аьркинмур хъамабитайсса къахъуншиврул, хъуслихун багъну, рувхIаниймур ккалли къадуллай къабикIаншиврул. Инсантурахъ бувчIинну бувсуссар оьрмулуд гъанурду цумирив, миннаца хIакъмур ва шялурмур, хъинбала ва обьала личи бан буюхъланшиврул, гъарзатрал Заллу Аллагъ ушиву миннал кIулшилуд ласуншиврул, цала цивппа мурчIи бувну, бухлаган къабаншиврул.

Аллагнал жучIанма гъан був-



ссар тIайласса ххуллу ккаккан буллансса идавстал. Ялуд кIицIлавгумур - Къияматрал къиннинин Аллагнал инсаннайн ликкан бувсса цимири. Гъарзат баллалисса ва кIулсса КIанал инсантуран баян байссар, цукун баххана хъун, ци даххана дан аьркинсарив. Дувстал бакъаминнан - дувс, кумагчири Аллагъ. КIанал жунна дулайсса - жунна ччимур, ххуй дизаймур дакъарча, камилсса кIулшивуртту дусса Цанна ххуйну чIалачIимурди.

Къурандалул 97-мур суралул 2-5 аятирттай тий бур (мяъна): «...На ликкан буллай ура ва (Къуран) Къудратрал хъхъуну! Ссал кIул бантIиссар вин, Къудратрал хъхъу цирив? Къудратрал хъхъу хъинссар азарва зуруял. Малаикталгу, РухIгу ликлай дур му хъхъуниву, миннал Заннал рухсат буллуну, аьркинсса амрурду булланшиврул. Му (хъхъу) - чани хъя

чиннинсса паракъатшивури!»

«Къудратрал хъхъу» - жула дунялгу, ялудмур дунялгу цацIун дуллалисса, Къуран ликлай байбихъусса, инсантуран яла агъаммурну хъусса хъхъури. Му хъхъунири Идавсияту Аллагнал илчи хъусса.

Му хъхъунири агъамшиву, къюлтIшиву жула аькълулуца дурчIингума буюхъайсса дакъар. Ливксса Къурандалуусса мяънардал куртIшиву, агъамшиву хIисавравун ласурча: дин давриву, гъарца затрал дудиндалул гъану бизавриву, адаварал, духIин -дудиндарал, багъубизулул, тIул-тIаваьатрал законнал аьмсса кодекс булавриву - ми гъарзатрал кумаг буллалиссар инсаннал дакIнивугу, шала дуняллийгу дакъаву дан.

Инсаннал аькълулуца, буюхъай, му кIулшилуд ласун къабуюхъан. Мукуни Аллагнал рахIму къабивхъунма личIантIиссар: дакIнивугу, кулпатравугу, жамьтравугу ра-

хIатшиву дакъа. Хъус-хъиншиву лякъаврил мунал Аллагнал Каламрал дулаймур къадулунтIиссар. Маэшатту, оьрмулуд шартIругу цуксса ххуй хъурчагу, инсан язугъну, къадарну ливчIун икIайссар, Аллагнал чаннал дакI пперх учин къадарча.

Имандалий яхъанахъисса инсантуран ва хъхъуну хъумур хъамабитан къабучIиссар. Идавсил жунма лахъхъин бувссар ва хъхъу ххарину хъунадакълан, эбадатру дуллай дутлан. «Къудратрал хъхъу эбадатру дуллай гъан дурманан бунагъру хIалал битантIиссар», -куну бур ганал.

Му хIаммад идавсийхIин (с.а.в.с.) Аллагнал аьраб мазрай ликкан бувсса Къуран жунма хъун аьркинссар каялушиву дуллалисса насихIатчину. Аллагъ дакIния уккан маари, КIаналгу зу хъама къабитантIиссару!

КЪ. КЪУРБАНОВ.

МФЦ-лий зана дан буюхъайссар къагри машан ларсёсса арцул ца бутIа

Налоговый имущественный вычет, му - инсаннал ляркъусса арцул лагру минну дирхъусса налограл лагрулуд чан давури. Инсаннал лавсёсса харж хъанахъиссар мунал хIакъну ляркъусса арцул анжагъ 87%. Яни, мунахъхъун даву дуллуманал мунал ляркъусса циняр арцул 13% булайссар цала зулалал ляркъумуний дидайсса налог хIисаврай. Минами 13% инсаннаца буюхълай бур ца-ца ишираву зана битан. Мисалдаран, къагри машан ласайни.

Агар инсаннал машан ларсул духъурча 2млн. къурушрансса къагри, мунаца буюхантIиссар занадитан анжагъ 260 азара къуруш, миннуятугу - так цала подоходный налог дуллалиссаксса.

«Мои документы» тIисса центрдай шаллу дайссар мукун хъуслияту дургъумунил операциярду байсса тIалавшин. Му тIалавшин шаллу даншиврул, зу аьркинссару МФЦ-лийн бучIан вай документиртгашал:

1. Паспорт.
2. Справка 2 - НДФЛ (му шиналсса).
3. Къатрал ихтияр цIакъ дуллалисса документру.
4. Къатрах багъа буллусса чек.

КIицIлаган багълай бур, мукун цала машан ларсмунил багълул арцул бутIа (налоговый имущественный вычет) чан бан, занабитан инсаннаца буюхъайшиву, къагри машан ласайхту бакъасса, аьршарал участокру машан ласайхтугу, цания-ца мурадрай займ ласайхту ягу Аьрасатнал банкирдай ларсёсса Кредитрал процент лахъайхтугу.


Ва тIалавшиндарая балжину кIул бан зуца буюхантIиссар Лакрал райондалийсса МФЦ-луву, Call - центр: +7 (938) 777 - 82 - 91.

Баянбаву

Дахлай ура Гъухъалла къурув ххуллуд луттту чулий къагри дансса аьршарал план (500м.). ЦIуххин буюхъайссар телефондалул ва номерданий: 8 963 417 63 37. Самандар.

...Гъайкаллу - Гъумук!

(Дайдихъу 1-3-лаж.)



туран гъира бусса, чIявусса хъамалгу бувкIесса шадлугъ Гъумук, райондалиий ттула оьрмулуду цамур дакIний дакъар.

ЛичIаннав вай гъантри инсантурал дакIурдиву оьрмулуду! Цала пикрилий цивппа аькълу бусса инсанталлу тIий, цIаннува ливчIесса ахIмакътурал дакIругу Аллагнал диндалул сагъну бунува чанна лахъан даннав!

КЪ. КЪУРБАНОВ.



